

Mostra

Banda – Michele Bernardi

Vernissage: 12.07.2024 dala 20:00 tl self dla mostres dla Lia Mostra d’Ert

Dureda dla mostra: 13.07 – 04.08.2024


Orar de giaurida:

merdi – venderdi: 16:00-19:00

sada y dumënia: 10:00-12:00 y 16:00-19:00

L Circolo de Urtijëi à l plajëi de ve nvië ala mostra persunela de Michele Bernardi dal titul “Banda”. Chësta mostra prejënta opres de acel, danter chëles nce lëures fac ti ultimi doi ani, mo mei prejentei al publich. "Banda" à doi senificac: per talian fej la parola referimënt a na grupa de persones o cosses, y tl ladin iel la banda, "lamiera". La mostra tol ite de plu tematches, coche l cosmos, bele esplorà tla mostra Locus Rei (Galleria Doris Ghetta 2017), l raport danter l raziunel y l irraziunel, l spazium y l’ana. Da chësta mostra uel M. Bernardi se lascé nmaruïè da si lëures y giaurì dialoghes y cumbinazions nueves danter si opres.

Michele Bernardi (1959, Sëlva, Gherdëina, Talia) à studià tla scola de scultura a Urtijëi y à fat l diplom tl 1978. L ie jit a studië inant tl’academia Akademie der Bildenden Künste a Minca tl atelier de Sir Edward Paolozzi (1981-1987). Tl’academia al giatà si balanz danter Gherdëina y Minca, ulache l viv. Nchina sën lëurel te na vedla fabrich de pier daujin a Minca. N bel post industrial, ulache l possa realisé si opres de fier batù o cunlià. Duc cunësc si lëur critich y de gran fazon dan l relief dl tribunal de Bulsan, fat su dai fascisc, n’opra fata adum al artista y cumpani Arnold Holzknacht dl 2017.



CIRCOLO LIA MOSTRA D'ERT - URTIJËI
KREIS FÜR KUNST UND KULTUR - ST.ULRICH
CIRCOLO ARTISTICO E CULTURALE - ORTISEI

Plaza S. Antone 102

I - 39046 Urtijëi (BZ)

[http:// www.circolo.org](http://www.circolo.org)

info@circolo.eu

tel. +39 377-5936350